

Nannunik piniarneq illersuinerlu pillugit Namminersorlutik Oqartussat nalunaarutaat allannqorteqqullugu Naalakkersuisut peqquneqarnissaannik Inatsisartut aalajangiiffi-gisassaattut siunnersuut. Taamaalilluni nannunik inuit najugaqarfiinut pisunik pisarinnittoqarsinnaangorlugu, pisaqarnissaq sioqqullugu immikkut akuersissummik peqqaanngikkaluarluni.

(Inatsisartuni ilaasortaq Jens NapâtôK, Naleraq)

Akissuteqaat

(Aalisarnermut Piniarnermullu Naalakkersuisoq)

Aappassaaneerneqarnera

Naalakkersuisut Aalisarnermut, Piniarnermut Nunalerinermullu Ataatsimiititaliap imm. 60-p aappassaaneerneqarnissaanut isumaliutissiissutaa pillugu qujavugut. Naalakkersuisunit maluginiarparput ataatsimiititaliap isumaliutissiissummi pissutsit sisamat taakkartorai, taakkualu tullerriaarneri malillugit oqaaseqarfigissavakka:

Ad 1) ”Bufferzone”:

UKA 2020/66-ip suliarineqareernerata kingorna Naalakkersuisoqarfiup nannut inuit najugaqarfiisa eqqaannut aammalu illoqarfiit nunaqarfiillu eqqaannut, aallaarsimaartarfiit ilanngullugit, pisunik takunninnermi najoqqutassat allannqortippai. Najoqqutassaq kommunenut, politiinut aamma allanut susassaqtunut december 2020-mi nassiussunneqarpoq. Tassani erseqqissumik allaaserineqarpoq illoqarfiup aamma nunaqarfiup iluani, politiit kisimik aallaasersoqqusaaffianni najoqqutassaq, aammalu nannut illoqarfiup nunaqarfiillu avataannut pisut pineqartillugit iliuusissat suut atuuttuunersut. Taamaasinikkut najoqqutassiani atuuttuni bufferzonemik taaneqarsinnaasumik peqareerpoq. Naalakkersuisut nalunarummik allannguinissamut atatillugu bufferzone pillugu nalilersuimaarput.

Ad 2) ”Nannut ajornartorsiutaasut toqunneqartut pisassiissutitut ilaatinneqartassanngitsut”:

Siullermeerinninnermi akissuteqaammut imatut allassimasumut innersuussissaanga:

”Siunnersuuteqartup siunnersuutaa akuerineqarnissaannik innersuussisoqassagaluarpat, Naalakkersuisut suliniutiginiarpaat pinerluttulerinermut inatsimmi allatut ajornartumik illersuisariaqalernermik aamma illersuisussaataitanermik tunngaveqartumik nannut toqunneqartut nanoqatigiikkuutaat imalunniit aqutsiveqarfikkuutaat iluaniittut pisassiissutiniit ilanngaatigineqartalernissaat. Pisassiissutiniit ilanngaaneq ukiumi pisassiiffiusumi imaluunniit ukiumi pisassiiffiusumi tullermi pisinnaassaaq. Piareersarnissaq tamarmi ilaatigut nalunaarutip atuuttup allannqortinnissaa, pisanut nalunaarutip immersugassap naleqqussarnissaa aammalu nannunik ajornartorsiutaasunik naammattoorsinermi malittarisassanik nalimmassaanissaa, taassuma ataani ilanngullugu nannup amia, niaquata saarnga aamma neqaa qanoq pineqartassanersut. Taassuma saniatigut Naalakkersuisut aaqqiissutissaaq nutaaq ukiumut pisassiiffiusussamut pisassiissutinik nalunaaruteqarnermut ilaatinneqarnissaa sulissutiginiarpaat. Sulineq ukioq manna aallartinneqassaaq.”

Nalunaarutip allannqortiternerani eqqarsaatigineqarsinnaavoq kommunet ataasiakkaat kommunemi ileqqoreqqusatigut pisinnaatinneqalernissaat kiap nanoq ajornartorsiutaasoq pisarissaneraa aammalu neqi, ameq il.il. qanoq piffimmi agguanneqassanersut

aalajangersaavigalugit. Naalackersuisut oqaatigisariaqarpaat ataatsimiititaliap navianartorsiortitsisoqarneratigut ajornartorsiutaasutullu toqunneqartut taasat pisanik pisanik ilanngaasoqartassannginneranik ataatsimiititaliap isummernera isumaqatiginngimmassuk.

Ad 3) ”Nannut ajornartorsiutaasut pisinneqartut kiisalu ajornartoornermi imaluunniit allatut iliorsinnaannginnermi pisinneqartut piniartumut tamakkiisumik imaluunniit sumiiffimmi pineqartumi agguariaatsit malillugit tutsinneqartassasut.”

Nannut ajornartorsiutaasut pisinneqartut neqaat kiisalu ajornartoornermi imaluunniit allatut iliorsinnaannginnermi toqutat neqaat piffinni paaqqinnittarfinnut aamma innuttaasunut tunniunneqartuaannarput. Nannut unioqqutitsinikkut pisaasimasut neqaat aamma piffinni agguanneqartarput, neqi nerineqarsinnaasutut isumannaatsutut nalilerneqaraangat, tassami unioqqutitsilluni pisat arsaarinnissutaasimasut politiit Naalackersuisoqarfiulluunniit oqartussaaffiginerini sivikinnerusumik siviunerusumilluunniit neqi qerititsivimmiitinneqarsinnaammat suliap aaqqiivigineqarnissaata tungaanut. Taamaattorli neqi aggorneqarearniartooq piffimmi agguanneqartarpoq.

Naalackersuisoqarfiup ukiuni arlaqalersuni iliuserisarpaa nannut ajornartoornermi imaluunniit allatut iliorsinnaannginnermi toqutat amii soorlu assersuutigalugu Ittoqqortoormiini atuarfimmi ilinniartitsinnermut atortussatut, katersugaasivinnut aamma imaluunniit kommunet mersortarfiinut tunniunneqartarlutik. Assersuutigalugu Ittoqqortoormiini atuarfik atsiuinikkut isumaqatigiissuteqarfigineqarpoq atuarfiup nannut amii atuartunut qanoq passunneqassanersut nutaajuneraniit, panertinneranut aammalu mersorneqarnissaa imaluunniit allatut atorneqarnissaanut ilinniartitsinnermut atatillugu. Neqeroorut taanna aamma allanut atuuppoq, kissaatigineqassappat. Ammit killukkat kommunet mersortarfiinut aammalu katersugaasivinnut nassiunneqartarputtaaq.

Kiisalu siunnersuut UKA 2020-mi kingullermik saqqummiunneqarmat Naalackersuisut isummaminnik allannguisimanerannut peqqutaasoq pillugu apeqquteqaat oqaaseqarfigissavara.

Naluneqanngitsutuut aprilimi 2021-mi naalackersuinikkut allannguisoqarnikuuvoq, aammalu taanna pissutaalluni isummamik allannginnermut.

Naalackersuisut taamatut oqaaseqarlutik angusaqarfiulluurtumik oqalliluarnissamut qilanaarput.